

中華民國史檔案資料叢書
主編 萬仁元 方慶秋

中華民國史史料長編

中國第二歷史檔案館整編

中華民國史長編

元年初稿第壹冊
起一月一日盡是月三十日

核周氏之史料拾三本脫漏殊
多應再搜集材料補充發行
整理修訂以此作為基本史料
可也

王希 七月廿日

新

中華民國史長編之一

(元年至國民政府成立)

一月一日

國父

就任中華民國臨時大總統於南京

(一) 晚清積弱無能外交失敗

國父

乃倡國民革命以圖挽救宣統三

年三月二十九日黃花崗一役革命聲浪澎湃全國四月初九日

清廷宣布鐵路政策全國幹線均收歸國有川鄂湘粵人民摩

情洶洶紛紛保路同志會川民且至總督署請願四川總督趙爾

豐令御隊開槍屠殺人民以千計人心大忿歸怨清室革命黨

遂於八月十九日(即陽曆十月十日)乘機起義於武昌各省響應

元十月初九日江洪周魯晚湘川桂都督府代表及直隸諮議局
代表至鄂十二日光復南京決將臨時政府改設南京定組織大
綱十一條公舉黃興黎元洪為正副元帥南京既陷法廷震驚
十三日向民軍求和十一月十七日十七省代表四十五人會議於南京投
西宗選舉臨時大總統
國父以十六票當選十二日日（見黎副總統政書）
卷四議決改用陽曆更以黃帝紀元四千六百零九年辛亥十一月
十三日為中華民國紀元元年元旦●時
國父由海外回國十一月七
日至滬乃派代表歡迎
全正副台李陽三至南京就臨時大總統職奉
行建國新年祝典犒賞民軍時陽曆元年元旦也
一月一日

中華民國革命史上卷（二三）東方雜誌八卷十號附大事記

(三) 南京十七省代表特派正副會長湯王二人來滬恭迓大總統

於十三日午攜同顧問才田滬專車赴寧，午後十時得大總統受任

禮，各省代表暨海陸軍代表齊集奏軍樂歡呼「共和萬歲」之

聲震動天地，代表團推景耀月報告選舉情形，謂「今日之舉

為五千年歷史所未有，我國民所希望者，在共和政府之成立及

推倒滿洲專制政府，使人人得享自由幸福，為近代革

命始創者，富有政治學識，各省公民選定後，今日任職願

始終愛護國民自由，毋負國民期望，大總統宣誓言

即宣誓哲言詞曰——

「傾覆滿洲專制政府，鞏固中華民國，圖謀民生幸福，國

民之公意，又實遵之以忠於國，為眾服務。至專制政府既倒，國內無變亂，民國卓立於世界，為列邦所公認。斯時，文當解臨時大總統之職，謹以此誓於國民。

（見中華民國革命史 上卷六九頁）

卅集
臨時大總統

十月十三日 由上海赴南京就職其就職誓詞曰

傾覆滿洲專制政府，鞏固中華民國，謀民生幸福，國民之公意，又實遵之。以忠於國，為眾服務。至專制政府既倒，國內無變亂，民國卓立於世界，為列邦公認。文當解臨時大總統之職，謹以此自誓。

大總統宣誓畢，各省代表乃授以大總統印，并致詞曰：

惟漢曾孫失政，東胡內侵，淫虐猾夏，帝制自為者，垂三百年。我皇漢慈孫呻吟

深熱慕法蘭西美利堅人平等之制用是羣謀衆策仰視俯劃思所以傾覆虐
政恢復人權迺斷頭戮胸羣起號召流血建義續法美人共和之戰史今三分
天下克復有二用是建立民國期成政府揀選民主推置總統僉意能尊重共
和宣達民意惟公賢廓清專制鞏衛自由惟公賢光復禹域克定河朔舉漢滿
蒙回藏羣倫共覆於平等之政亦惟公賢用是投匭度情徵歷主紐之信衆意所
屬羣謀僉同既協衆符歡欣擁戴要知我國民久因鈐制疾首蹙足額望民主若
歲今當公軒車蒞任蒼白扶杖子女加額焚香擁琴感激涕零者何也忭舞自
由敦敦重民權也用是不吝付四百兆國民之太阿寄二億里山河之大命國民之
委託於公者亦已重哉繼自今惟公翼翼毋違憲法毋拂輿情毋任威福毋崇專
斷毋昵非德毋任非才凡我共和國民有不矢忠失信至誠愛戴軒轅金天

列祖列宗七十二代之君實聞斯言代表等受國民委託之重敢不盡意謹致
大總統重綬俾公發號施令崇為符信欽念哉

代表致辭畢於是由大總統啟印發布宣言書其詞曰

中華民國締造之始而文以不才膺臨時大總統之任夙夜戒懼慮無以副國
民之望夫中國專制之毒至二百餘年而滋甚一旦以國民之力踣而去之其事
不過數旬光復已十餘省自有歷史以來成功未有若是之速也國民以為
於內無統一之機關於外無對待之主體建設之事刻不容緩於是組織
臨時政府之責相屬自推功讓能之觀念以言文所不敢任也自服務盡職之
觀念以言文所不敢辭也是用電勉從國民之後能盡掃專制之流毒確定
共和普利民生以達革命之宗旨完國民之志願端在今日敢披肝瀝膽為國民

告國家之本在於人民合漢滿蒙回藏為一國如合漢滿蒙回藏諸族為一人是
 曰民族之統一武漢首義十數行省先後獨立所謂獨立者對於滿清為脫離
 對於各省為聯合蒙古西藏意亦同此行動既一決無歧趨樞機成於中央
 斯經緯周於四至是曰領土之統一血鐘一鳴義旗四起擁甲帶戈之士遍於
 十餘行省雖編制或不一號令或未齊而目的所在則無不同由共同之目的以
 為共之行動整齊劃一夫豈其難是曰軍權之統一國家幅員遼闊各省
 自有其風氣所宜前此清廷強以中央集權之法行之以遂其偽立憲之術
 今者各省聯合互謀自治此後行政期於中央政府與各省之關係調劑得宜
 大綱既繫條目自舉是曰內治之統一滿清時代藉立憲之名行斂財之實雜捐
 苛細民不聊生此後國家經費取給於民必期合於理財學理而尤在改良社

會組織使人民知有生之樂。是曰財政之統一。以上數者為行政之方針。持此進行庶無大過。若夫革命主義為吾儕所倡言。萬國所同喻。前此雖屢起屢躓。外人無不鑒其用心。八月以來。義旗飄發。諸友邦對之。抱和平之望。持中立之態。而報紙及輿論尤每其同情。鄰誼之篤。良足深謝。臨時政府成立以後。當盡文明國應盡之義務。以期享文明國應享之權利。滿清時代辱國之舉措及排外之心理。務一洗而去之。持平和主義。與我友邦益增親睦。使中國見重於國際社會。且將使世界漸趨於大同。循序以進。不為倖獲。對外方針實在於是。夫民國新建。外交內政百緒繁生。文顧何人而克勝此。然而臨時政府革命時代之政府也。十餘年來。以至今日。從事於革命者。皆以誠摯純潔之精神。戰勝其所遇之艱難。即使後此之艱難。遠逾於前日。而吾人惟保此革命之精神。一往

無阻必使中華民國基礎確立於大地然後臨時政府之職務始盡而吾人始
可告無罪於國民也今以與我國民初相見之日披布腹心惟我四萬萬同胞
鑒之（辛亥革命史七七五）

民國之建設

附南京臨時政府之組織

民軍起義各省次第響應各設軍政府為戰時之組織各省
各自為制固不一律即一省之間亦往往設立軍政府一二處或
設軍政分府不相統屬時以各省獨立不可無統一之機關乃
組織臨時政府於南京遷南北共和臨時政府遷至北京行
政機關逐漸完備然一年以內百務待理建設之功殊難卒

就

就現時情狀述其大致如下


嗚呼中土繁庶之邦誰令天然富源遲

中央行政機關、南京臨時政府仿美國制、以總統總攬行政、
設總統府、及陸軍、海軍、司法、財政、外交、內務、教育、實業、
交通、九部、總統府設秘書、分總務、文牘、軍、財政、民
政、英文、電報、七科、並設法制院、印鑄局、銓敘局、公報局
歸大總統直轄、各部設承政廳及各司、置總長次長、秘書官、
書記官、參事官、司長、僉事、主事、錄事、各職、外交部置外
政、通商、庶務、三司、內務部設民治、職方、警政、土木、禮教
衛生、六司、司法部設法務、獄務、二司、交通部設路政郵政
電政、航政、四司、其餘各部、組織未見通令。

(錄東方雜誌九卷七號詹父中國政治通覽)

臨時政府組織系統表

民國元年



附註

民國紀元前一年革命軍起義於武漢各省相繼光復十月初十日各省都督府代表開會於漢口十三日議決臨時政府組織大綱內容共分三章第一章規定臨時大總統僅設大總統而無副總統第二章規定參議院第三章規定行政各部僅設外交內務財政軍務交通五部各部僅設部長而無次長規模簡單其後湖南代表宋教仁等認為未妥乃提出修改案經決議修正其要點有二(一)加設臨時副總統(二)臨時大總統有制定官制及任免文武職員之權但任命國務員須得參議院之同意及總理以十六票當選為中華民國臨時大總統於中華民國元年元旦就職於三日派代表會交與中央政府各部及其權限案經決議後即照規定提出國務員九人請求同意其人選為陸軍總長黃興海軍總長黃鍾英外交總長王寵惠司法總長伍廷芳財政總長陳錦濤內務總長宋教仁教育總長湯壽潛農林總長張謇交通總長程德全宋教仁以主張修改臨時政府組織大綱之故為一部代表所反對代表會又希望程德全長內務湯壽潛長交通至教育總長則另提別人餘照原案通過大總統於是提出蔡元培長教育程湯二人分長內務交通一如代表會意於是代表會表決同意是為中華民國臨時國務員又大總統任命黃興兼參謀總

長胡漢民為秘書長，黃士龍為參軍長，宋教仁為法制局（初為法制院）參
議院改局）局長，湯化龍副之（未就任），黃復生為印鑄局局長，馮自由為
公報局局長，後調任外交部司長，改以但燾繼任，徐紹楨為衛戍總督，互各部
次長之人選：陸軍為蔣作賓，海軍為湯薌銘，外交為魏宸組，內務為居正，財政
為王鴻猷，司法為呂志伊，交通為于焄^右，教育為景耀^明，實業為馬君武，參謀
為鈕永建。

（見黨政建制圖表）